

Senikiigoieg, papamita8ik, sakiik, ki nikiigo8ak. Mi eneniminak Kije Manito. Ka8in, enabigis, manenimiekekou ki nikiigo8ak, ka gaie ajitemiekekou. ka gaie manazomiekekou. An8eta8eg8a, gaekenindamieg8a, niekieg8a ki nikiigo8ak, ki ga pasanjeogo8a Kije Manito, kiepin dac min8enindamihieg8a ki nikiigo8ak, kiepin Sibate gotc papamita8eg8a, ki ga min8eninigo8a Kije Manito ondaje aking, mi dac 8ak8ing kakikekamik kitei mina8asihinak.

NANINT KAK8EDJINDISINENSAN.

Anin ejinikatek otena8an ka papadajikete Jezos?

Nazareth ka daje oeki anicinabe8igobanen, Bethléem ka daje nikigobanen, Egypte daje aking ka ininijimointe. Galilée ejinikatek aking ki iji ki8e, mi endaje kataje nita8igite. Tasin menokaminigin ijagoban Jernsalem daje otenang ij a8i aiamiate. Ka nisomitana taso piponesite, mi apite maiadji-papakakik8egobanen. Pimimamandagackitogoban, Kana daje otenang cominabo8itogoban nipi, Kapharnaum daje okima kitei akosinigoban ok8isisan, Jezos dac o ki nodjimohan. Jériko gaie Bethsaïde daje otenang 8asabihagoban kekiping8enidji. Naïm daje otenang apitecipahagoban e8i ning8aakaniminidjin. Bethani daje otena8ensing Lazaran apitecipahagoban. Pecote Jerusalem pik8atina Kalvaire ejinikatek, mi ka daje tapinaninte Jezos i 8i ag8aci-minang.